

議處要害地方疏

防守獨石

臣獲見邸報該巡按直隸監察御史樂尚約題稱獨石要害視右衛遠近緩急尤爲不同欲要行臣將應處之事悉照右衛經略奏請上裁等因臣參詳所論憂切邊陲深得先則制人之羨節據降人口報動以圍困獨石爲詞若候部咨到日方行議處未免緩不及事臣不自揣量早夜圖惟擇其最切要者條爲十款大抵大同之事禍已燃眉不得不爲拯救之圖宣府之事患在厝薪仍須急爲蓄艾之計臣於宣大防

秋疏內言之已詳無容別議如蒙勅下該部再加議擬將臣所奏俯賜允行仍乞嚴勅宣府鎮巡官李賢張鎬廣集衆思各上方略不止防秋先爲防夏之圖不止外防獨石首爲拱護京陵之計臣雖庸鈍亦不敢不共效狗馬之忠臣無任屏營懇切之至

計開

一 屯運糧餉臣議得防禦獨石首當多積糧餉糧餉既克虜氣先奪圍困之謀不攻自破先該巡撫都御史張鎬屢疏請發帑銀未見處分是非該部漫不加

意寔以帑銀缺乏之故。後該臣博議發京倉粳米三十萬石於懷來等倉，却以宣府年例銀兩一半仍發本鎮，一半改發大同，連日再三籌度，庫無見銀，倉有見粟，救弊補偏，計恐無便於此，合無聽戶部將空運一事，早為舉行，邊人不食粳米，止食粟米。若發粟米三十石萬，尤為得濟。此外再將宣鎮年例銀兩先發十數萬兩，以為腳價折支之費。空運至日，聽鎮巡官設法轉運，其人衛兵馬往來懷隆，供億之費，亦於此中取辦。

一更易將領，臣議得寇在門庭，北路則患切剝膚，東路則患在剝牀，二路將領均為喫緊，若使匪入廁乎其間，緩急之際，誤事不淺。除獨石叅將劉漢先已具疏保留外，訪得分守東路懷來永寧等處叅將劉環年已衰遲，志復灰冷，桑梓之地，終難展布。四海冶守備韓鑑，心本儒生，口談武略，衝險之所，豈其所長，合無將劉環革任聽候，別卷勘明奏請，韓鑑改用腹裏仍於近日九卿科道會薦諸臣內，如尹秉衡者，推舉一人以代劉環，其韓鑑員缺，查得原任大同右衛守

備張咸洞悉虜情、慣經戰陣、不救隣兵、去之原非其罪、年方精壯、用之當及其時、以補四海冷守備、似堪任使、

一分布城守、臣惟大同右衛被虜圍困月久、中間調

據兵尚表也

度處置、全藉廢將之力、蓋各官妻孥生計、俱在危城利害切身、自當不賞而勸、所據獨石城守一事、正與右衛相同、合無聽叅將劉漢、將在城官員、不拘見任廢棄、擇其威望、衆所信服如尚表、立爲守城之主、其餘畫地分守、預爲告戒、一有警報、叅將劉漢提兵出

戰於外、主城將官環兵固守於內、聲相勢倚、互爲犄角、方保萬全、

一預處援兵、臣諫得北路獨石果有虜警、除本鎮兵馬刻期應援外、所據入衛各枝兵馬、俱在關內關外、佳剗、若候奏請至日、方行調用、未免坐失事機、合無聽臣等與鎮巡官李賢、張鎬酌量賊勢、一面移文兵部、與薊遼總督知會、一面將前項兵馬隨宜調遣、各該遊擊、務要與主兵同心戮力、共建奇勳、如敢因循玩愒、自分彼此、應拏問者、容臣拏問、應叅究者、叅究

重治

一撫輯屬夷。臣議得屬夷之於我也。乍臣乍叛。我之於屬夷也。將信將疑。卽如近日督撫建議。欲發銀五

六萬兩於寧遠堡邊牆裏外。築堡二座。安插屬夷老

觀近者昌。正屬夷之事不可不慎。

小。意非不美。揆以夷夏大防。似猶未妥。兵部近奉

欽依行臣勘處。以臣愚見。謹始慮終。實不敢輕議。但

撫賞銀兩。羈縻之策。委不可缺。合無聽巡撫都御史

張鎬於戶部議准。主兵銀四千兩內。扣數支出。委官

買辦段布牛酒。將同力拒敵諸夷。照依原奏通行賞

勞。虜去家小牛羊帳房者。查出另賞以結其心。以後

虜入境內。果能先事哨探。爲我之耳目。臨敵奮勇。爲

我之羽翼。雖優加賞賚。亦不爲過。

一經理懷隆。臣議得經略之議。雖在北路獨石。而東

內子虜竟從東路以入

路南山一帶。陵寢在上。事體尤重。四肢腹心。不言

可辨。居庸關以西。自石崖峪口起。至合河口止。延長

七十里。隘口一十四處。以東自張家起。至渤海止。計

長四十里。隘口一十三處。中間山勢平漫。可通大舉

者九。林木稀疎。可通零騎者七。巖崖陡峻。可通單騎

者十一。遑年於大山口等處。酌量多寡。分派官軍。共六千名。大約俱在該鎮步軍於礦兵取用。除礦兵時非防秋。難以輕調外。合無聽鎮巡官李賢張鎬賊果突入。一面統兵應援北路。一面留兵防守東路。雖堪戰勁兵。亦當存留二枝。以防大虜壅隔之患。其新築臺軍。如果不敷。權於河南班軍內湊撥應用。

一激勵壯勇。臣議得北路地方人慣見虜。驍健絕倫。以故論什伍之軍。其數甚少。論比黨之軍。其徒實繁。先年雖有斬獲首級。與官軍同論之文。勘報每遲。以

陝西三邊官軍賴以勦劫帳者大都雄邊

歲時雖有奪獲生畜給賞之文。將領多見其尅取。敵

愾之氣。何由發作。忠義之志。因而消阻。深可痛恨。合

無聽總兵官李賢公同叅將劉漢將各城各堡壯丁

逐一查出。應守城者守城。願出戰者出戰。記名在官。

不必拘以文法。不必束以紀律。斬有首級。總兵官先

給印信小票。奪有生畜。即時盡數給賞。守搃等官。如

敢刁難扣取。先以軍法重治。然後叅奏拏問。其尋常

無警之時。不許追呼以致騷擾。

一量給馬匹。臣議得各鎮奏討馬匹。動經數千。不行

愛惜餒養。相繼倒失。無益實用。臣嘗痛惡其非。卽如近日巡撫張鎬移咨到。臣欲討四戶大馬三千餘匹。給付家丁騎征。臣以標兵方在議革。不敢具奏。但宣鎮總副叅遊之馬。見在各不及一半。往來追逐。似爲未便。合無聽兵部量發官馬二千匹。分給各營。稍壯軍威。不敷之數。容臣督令各官動支樁銀。以次買補。一添修墩臺。臣惟北路地方等。一當修飭城堡。其次則腹裏并接火墩臺。一方耳目。關係甚重。除原設不堪者。節行分巡口北道叅議許用中。見今督修外。仍

於獨石城馬營溝通馬營大路。胡家莊孔家莊。議添空心墩臺二座。每座共高三丈三尺。上加女牆四尺。周圍越城一道。外挑圍壕一道。馬營堡議添上哨。通君子堡司家溝口李樹溝口羊奶子溝口二隊溝口。下哨通松樹堡馮家科小嶺兒本營迤南羊房堡段家衝西川九窠窄衝口東井獨石溝。通獨石城大路。霍家莊共十座。雲州堡議添夜不收嶺一座。高低廣狹。悉如獨石之制。通共添墩一十三座。不惟足以制虜。居人行旅均屬便利。見今總兵李賢在彼設伏。合

嚴行本官督併叅將劉漢及守搽等官刻期完報

一協同薊鎮臣惟大虜屯住獨石邊外正係東西岐

居庸以東南山一帶雖是宜府地界過險即屬薊鎮而為兩齊臣所轄故易于推諉

路西則可犯宣府逼近陵寢東則可犯薊鎮驚擾

畿甸必須兩鎮鎮巡官交相傳報事方克濟蓋宜府

密邇虜巢常得其形薊鎮咫尺屬夷先得其情合無

今後薊鎮一知虜欲西犯之訊差人速報宣府宣府

一見虜欲東犯之跡差人速報薊鎮彼此相資共伐

虜謀共消虜患

虜中降人傳報夷情疏

防虜

臣惟蠢茲醜虜自大同右衛圍解以來猶有一二零

騎在邊窺伺乃今閱月之間移營北徙絕無烽燧之

警但歸正之人摩肩接踵幾滿千人之上或言欲由

永寧入犯京師或言欲犯山西或言仍圍右衛等處

或言東搶遼東或言就近採取田禾言人人殊以臣

愚見宣大事體與薊鎮迥不相同薊鎮恃有邊牆拒

之不入即為上策宣大地方大邊二邊既以陵夷沿

邊牆塹又復傾圮虜騎處處可入為今之計虜之未

入也則當遠哨探剿零寇以明我之目奪彼之心虜

之既入也。則據要害。奮夜擊。搗巢穴。激鄉兵。廣招降。截歸路。守堡寨。多方略。以示隨機應變之義。會同巡撫都御史魏謙吉。張鎬。楊選。總兵李賢。張承勛。王懷邦。不揣迂疎。逐條詳議。但兵家之事。貴於未戰。臣等待罪邊陲。不勝臨事之懼。伏望 皇上勅下兵部。蚤為覆議。俯賜裁允。容臣等驅馳戎行。少伸犬馬之報。一嚴哨探。臣等諫得節據降人所報。俱係捕風捉影之說。不可盡據。必須哨探明的。兵馬進止。方有着落。先已屢次差人遠探。直至海上。方見營帳。趕回達馬

四百餘匹。盡數給賞。原去通事家丁。人心感奮。爭欲

深入一哨。但虜若東犯遼薊。誠恐遠由出山後。耳目

由木葉諸山後也

不及。反致悞事。合無仍行薊鎮一體哨探。遇有屬夷報到消息。或得其形。或得其情。彼此互相傳報。庶克有濟。

一勦零寇。臣等諫得往時秋禾將熟。近邊零賊。或一  
二百騎。或三五十騎。往往入邊搽田。致使小民終歲  
勤動。竟絕收穫之望。虜之所以敢於如此者。不過數  
技。一則恃其馬強。來如飄風。走如脫兔。人不及追。二



則恃其善於弓矢。三則知我墩軍報知。必先放砲舉號。方始聚兵。賊乃預爲隄備。四則多設伏兵。見我追逐。故意誘入境外。以反敗我。合無今次遇有零騎。聽宣大山西三鎮總兵官。不必照舊舉號放砲。止整點兵馬。分爲二股。一股潛往賊回之路設伏。一股如常追襲。前後夾攻。必有奇中者。

一據要害。臣等議得宣大山西三鎮。各有要害之處。先守其要。則提綱挈領。兵氣自倍。如宣府則當守懷隆永寧南山一帶。山北可守則守。不可守則併入昌

平邊牆。協力固守。使賊匹馬不能入關。大同則當守渾源靈丘廣昌銀釵驛馬等嶺。協同保定鎮巡固守。紫荆倒馬馬水口等處。使不能越關而南。驚動畿輔。山西則當守陽方神池老營堡偏關等處。使賊不能越關而西。侵軼州縣。其五臺繁峙平刑設在關外。尤當一體戒嚴。此外止是宣府大同之川。既有兵馬以撓戰於外。又有墩堡以雄峙於內。以逸待勞。以主待客。狂悖之謀。自難大逞。

一奮夜擊。臣等議得夜擊賊營。兵家奇事。但近來劫

營有同兒戲。或先放砲。或先舉火。使賊知而爲備。反來攻我。雖曰撓賊。寔自撓耳。合無今次遇賊入境。聽宣大山西三鎮總兵官各募敢死之士。相度天時人事。如果可爲。當夜下令。令其掛枚暗號。直撞賊營。勢如風雨。惟在破敵。不貴首功。當內舉火放砲之時。外面亦舉火放砲。勢若馳擊。是爲禪應外合。暮夜倉卒之間。賊未有不駭愕驚遯者。但兵事尚密。此事尤當縝密。全在臨期斟量。以圖萬全。

一搗巢穴。臣等議得攻其必救。兵法所尚。卽如宣府地方。近邊則有張家口外種田之賊。大同地方。近邊則有脫脫一種丘阜一黨。若使乘機勦殺。批吭搗虛。

必有明效。合無今次遇賊入境。聽宣大二鎮總兵官

守家之卒。多老弱。而輜重足食。

各將搗巢之兵。計處停當。一面發兵在內截殺。一面發兵在外搗巢。但須哨探明的。仍將各營走回人口。查有乖爽者。各畱三五人。厚加館穀。令其指引道路。庶幾不墮賊計。

一激鄉兵。臣等議得義勇一事。不惟大同西衛可行。隨在可行。但往時得功。遠在數百里之外。報驗反致

勞擾以故鄉兵不肯向前截殺。合無今次遇賊入境聽宣大山西三鎮巡撫官各刻簡明小票。用印鈐記。但遇鄉夫得功者。所在官司。驗明給票一張。以為執照。賊退之日。不必議陞。徑自照例每顆賞銀三十兩。激勵之下。人人勇氣自倍。

此時板升之衆築城近邊故也

一廣招降。臣等議得虜營之兵。多半俱係漢人。豈無父母妻子之念。止緣畏彼聲勢。不得自便。觀之近日一插招降之牌。有一家十四五口同歸者。有焚父屍而帶歸者。有子婦負垂老之姑而歸者。但恐處之無

要。以致人絕歸望。虜氣益增。合無今次賊果入境。聽宣大山西三鎮巡撫官先於各堡大書招降紅旗。令一人冠帶立於堡上。多方招諭。有能滾馬投降者。即時開門收納。若使百人千人一時俱肯歸正。賊勢自孤。不得不退。

一截歸路。臣等議得歸師勿遏。雖兵家所忌。但虜之歸也。與中原之寇不同。喝趕牛羊者。俱係老弱之賊。強壯之賊。左右護持。其心惟恐有失。全不戀戰。而我兵若先處戰地。誠為得策。合無今次遇賊入境。聽宣

大山西三鎮總兵官各設伏兵於賊歸之路。或據山險。或依林木。須辨截殺與尾送賊回之日各另回奏。要見其處截賊。曾有某功。不得仍襲舊套。其來如迎。其去如送。

一守堡寨。臣等議得軍民堡寨被賊攻毀者十之七八。無壁可完。先已題奉欽依。嚴行宣大守巡官親詣督修。每堡四角各修四墩。無力者或二墩一墩。近據各道報稱以十分爲率。築完八分以上。臣歷所至。逐一親閱。如果堅完高厚。比之往歲不同。賊若入搶。斷不能肆然得利。但自古用兵有守中之戰。有戰中之守。若不添兵防禦。未免坐困。合無聽宣大山西三鎮鎮巡官查賊果於某處入犯。卽將步軍分發墩堡。與鄉夫相兼在內。遇有零賊來攻。相機擒斬。大約追逐不可過半里。一里之外。蓋分搶之賊。勢不能多。我墩堡之兵多。而彼賊甚少。似可成功。

一多方略。臣等議得兵法所謂多方以誤之者。蓋言方略雖多。未必皆中。但中一方卽爲對病。已經徧行三鎮副叅守操等官。各照所管地方。畫一水墨小圖。

或可以依憑山險。或可以占據水頭。或可以建立營盤。或可以設置毒物。或可以安頓砲火。或可以挑挖賺窖。種種備之。見今俱已報到。正在整頓。臣等每一念及。誓不與賊共戴天日。真有匈奴未滅。何以家爲之意。

覆督察軍務侍郎趙文華條陳海防疏

防倭

看得督察軍務工部右侍郎趙文華題稱修復海防。釐爲五事。臣等反覆參詳。均係平倭長策。蓋不欲鏖戰於海上。直欲邀擊於海中。比之制禦北虜。守大邊

而不守次邊者。事體相同。誠得先則制人之義。但事務繁多。惟恐不便。聖覽謹將原議列爲五款。開立前件。議擬上請。伏望 聖上俯賜採覽。勅下遵行。地方幸甚。

一 國家防海之制。臣等議得國初更番出洋之制。極

爲盡善。至于列船港次。猶之棄門戶而守堂室。浸失

海道何難扼要耶

初意。救弊補偏。急當講畫無疑。所據侍郎趙文華欲

分乍浦之船以守海上。揚山蘇松之船以守馬蹟。定

海之船以守大衢。三山品峙。哨守相聯。旣無淺閣之

虞又有避風之處。委爲有據。又欲副總兵屯外泊陳錢諸島。尤足以扼賊三路之衝。合無悉如所擬。備行督察總督。巡撫總兵副總兵兵備等官會同集議。務要允中機宜。以復祖宗出洋之制。其中果有未盡事宜。聽其徑自酌處。

一總兵駐劄海上。臣等議得南之禦倭。必資於船。猶北之禦虜。必資于牆塹車騎。勢不可缺。不妨多備。所據侍郎趙文華今議之。船見造則有福清等船。調取則有廣東新會橫江船。東莞大烏尾船。又有寧紹台

溫捕魚海船。及下八山捕魚等船。又有蘓松捕魚沙船。緣廣船恐緩不及事。魚船恐妨廢生理。必須處置得宜。方無遺慮。合無悉如所議。備行督察總督巡撫總兵副總兵等官。一面催調廣船。一面嚴行海道查處漁船。此外不知再該造船若干。錢糧應於何處出辦。備細會奏。以憑議處施行。

一直隸與浙名雖異地。臣等議得浙直俱連大海一水之地。委當總作一家。計處必須共守。陳錢諸島分守馬蹟等三道。事方周匝。所據侍郎趙文華欲要總


兵官正副二員分任金山臨山要會之地先守陳錢  
叅將分畫三道馬蹟等山各督信地審時度勢委不  
容已合無將副總兵俞大猷仍任金山再添總兵官  
一員任劄臨山東可以控蘇松南可以控浙福本部  
會推相應官二員請旨簡用克總兵官總理浙直海  
防軍務住守臨山地方定擬責任請勅一道令其欽  
遵行事合用符驗旗牌關防照例請給副總兵以下  
俱聽節制未盡事宜仍聽督察督撫等官查明具奏  
一海上既備臣等議得國初沿海一帶軍伍克足今

議修復舊伍誠爲要務但鄉兵選足一萬歲支半糧  
不知應於何項出辦合無備行督察總督巡撫巡按  
等官定委兩司該道官作速查議要見鄉兵一萬月  
給半糧每年總該若干應於何處處給南方地無遺  
利閑田甚少若議清查未免反滋侵擾之弊似當停  
寢事宜悉如所議施行

一出入波濤臣等議得賞當其功則人心知勸故功  
既有等賞自有差合無今後官軍於海裏獲功每倭  
首一顆爲首者准陞二級爲從者照舊給賞若無首

級止獲賊船亦以大小論級總兵等官能使賊船不能登岸卽以保障論功斬獲首級數多臨期奏請超格陞賞候倭患寧日此例停止其多處行糧一節事在彼中悉聽督察總督巡撫等官徑自施行

皇明經世文編卷之終





皇明經世文編卷之二百七十六

華亭

陳子龍臥子

徐孚遠闇公

選輯

宋徵璧上木

李

雯舒章

吳嘉胤繩如參閱

楊襄毅公奏疏

疏

楊 博

覆左給事中張益等增定叅贊尙書職掌疏一  
兵科署科事左給事中張益等題稱南京兵部尙書  
叅贊機務一遇警急則皆略守備而責叅贊不可不

國立中央圖書館, TAIWAN, R.O.C.

重其職掌。乞要從長議擬。於叅贊勅內。事體不便者。稍為更易。舊日所無者。稍為增入。各一節為照南京兵部尚書。職在叅贊。與內外守備。均有保釐之責。原奉勅諭。開載已明。頃因地方多事。督責之議。全在叅贊。若不重其事權。其勢自難展布。該科欲要從長議擬。委為得其領要。查得各處多有因事增勅事例。相應斟酌題請。合候命下。備咨南京兵部。轉行南京五府僉書都督。既分管振武神機大小教場。以後俱聽叅贊節制。應近日亦有叅贊兼提應撫之議。然徒虛語耳。天淮揚巡撫都御史。凡事與叅贊叶同。

計議而行。副總兵叅遊兵備等官。俱聽叅贊委用。未盡事宜。悉聽叅贊便宜處置。本部仍將前項職掌。行移內府翰林院。除原勅照舊外。另請勅諭一道。給付新任尚書李遂。欽遵行事。平寧之日。徑自奏繳。

遵諭條上定策遏虜疏 大同薊鎮邊務

醜虜入犯。多在涼爽之時。防禦機宜。貴審急緩之勢。今之九邊。大率以薊鎮為第一。蓋腹心既安。四肢自無可慮。以故廣調各鎮之兵。為之戍守。多發度支之糧。為之餽給。精選驍健之將。為之捍禦。仰蒙 聖皇

在上深思遠慮，靡所不至。臣等何容別議。今據宣大總督李文進所奏，正是永邵保元慎擺腰三部之其酋首俺荅黃台吉把都兒并東虜土蠻俱各未見踪跡，驚鳥將飛，必戢其翼，甚當為薊鎮之慮。臣等謹將大同薊鎮應行事宜，不揣愚陋，開坐上請，伏乞聖明俯賜採覽，早為允行。地方幸甚。

一大同所犯之賊數本不多，本鎮兵馬已該總督李文進先期分布，似為有備。臣等近又移文巡撫都御史陳其學、總兵官劉漢，令其堅壁清野以固其守，設伏出奇以挫其鋒，分精兵以搗其巢，簡惡少以邀其馬，隨機應變之策，聽其徑自處置。計料此虜口下必當遠遁。所據李文進所討宣府遊擊孫輔、大同遊擊周資文入衛遊兵二枝，另本酌量議處。

一賊犯薊鎮，必由山艸川三間房一帶。哨探一節，全是時虜錄西東犯故以獨石為薊鎮之耳目今奴錄在宣府獨石叅將。蓋薊鎮止得其情，獨石則得其形。東西犯故以寧前為薊鎮之耳目知之既早，豫於古北黃花鎮等處加謹防禦。所謂先

則制人，自保無虞。合無容臣等仍行宣大總督巡撫總兵官等督率叅將劉國多差的當人役遠為哨探。

但有東行踪跡。即便飛報本部。以憑調度。哨探的確。防秋畢日。叅將官重加陞賞。如或怠緩悞事。與薊鎮將兵一體治罪。

一薊鎮各區。先該臣博總督之時。每區定擬兵備副使僉事一員。爲之監督。連歲督臣行臣之計。日益詳密。但防秋之後。未曾定擬賞罰。誠恐人心懈弛。關係不輕。合無容臣等備行總督都御史楊選巡撫都御史張珖。嚴行副使溫景葵。紀公巡栗永祿。李尚智。張邦彥。伊介夫。各照地方。用心督理。一切兵糧事宜。悉

聽徑自區處。督撫官不得遙制。如果禦虜有功。或虜知有備。不敢窺伺。督撫官從實具奏。以憑甄錄。怠緩悞事。查叅究治。

一昌平鎮居庸鎮邊黃花鎮三區。與宣府懷來廷慶永寧四海冶相爲唇齒。宜大總督每當秋近。移住懷來。正爲南山之備。但事在兩鎮。未免互分彼此。必須

兩事未免坐此

聲勢聯合。事方有濟。合無容臣等備行宣大總督都御史李文進。仍駐懷來。如果賊犯薊鎮古北口一帶。宣府別無聲息。即便多發精兵。星馳援應。若止犯延

永。逼近南山。就將各支兵馬。分屯薊鎮墻土。協力固守。但使匹馬不得入關。卽爲首功。

一薊鎮燕河冷口一帶逼近遼東。虜若自東入犯。薊鎮督撫官。相去隔遠。調度自不能及。卽使有兵可發。千里赴援。不惟無以濟事。亦非兵家常筭。合無容臣等備行遼東都御史吉澄。會行總兵官雲昌。卽將本處兵馬整棚停當。如果虜犯燕河等處。不必候調。徑自領兵前來策應。有功與薊鎮將兵一體陞賞。遷延誤事。與薊鎮將兵一體黜罰。

奉旨條上破格整理薊鎮兵食疏

薊鎮總脩

竊惟昌薊二鎮。近在畿輔。實爲腹心之地。粵自庚戌虜變以來。遠調客兵。分番入衛。原非經久之計。臣傳經略之時。奏稱薊鎮之事。當以練主兵爲根本。調客兵爲權宜。于後郎中唐順之經略。又奏稱主兵練成一枝。當減客兵一枝。非臣二人之私言。實爲衆人之公議。乃今督撫等官。或玩愒而人事不修。或災沴而天時未順。以致練兵之舉。十年罔效。閱兵之使。三出無功。誠可駭嘆。仰蒙 聖皇在上。淵慮深思。長駕遠

馭既將悞事之臣各加黜罰又欲本兵之臣破格議處特念臣博嘗歷茲鎮明旨叮嚀曷啻面命臣博雖至愚極陋敢不仰承萬一連日謹與臣縉共攄一條為十事極知兵馬錢糧各有攸司切緣事體重大不敢避忌固臣等狗馬之心亦臣等之分也

一各區主兵雖有總副叅遊等官職專選練若非兵備副使為之監督事權既輕賞犒無措日復一日金乏實效查得永平兵備副使溫景葵昌平兵備副使栗永祿懷柔兵備副使張邦彥密雲兵備副使李尚

智薊州兵備副使紀公巡才識操履俱極一時之選兵惟分而後可練故相應久任責成合無備行各官將所管區分主兵不屬之督撫而專責之司道通

行蒐選設法教練仍將勅諭各另換給一道備將選練主兵緣繇開載於內一年之內練有成效不次擢用因循不振從重降罰及照各官年資已深若使遷轉別處新任之人事體不能周知悞事不淺本部一面移咨吏部備查各官年資如果相應者擬陞叅政職銜仍兼僉事管理兵備年資未深者職銜照舊公差科道等官雖有查盤等項事情不許輕易委用致

妨正務巡撫官月一閱視總督兩月一視合用犒賞銀錢等項准於督撫兵備贓罰銀內動支本部仍發銀二萬兩分發各道添犒犒賞大率軍以十人為率八人習火器二人習弓矢若使人人火器精熟倚墻拒守自當萬全。

高鎮有急而遠調西三邊之卒殊失策也

一陝西固原寧夏延綏三處客兵比之宣大尤為寫遠十餘年來往返奔馳疲勞極矣但主兵教練未成若使遽為撤去一有急緩未免失措相應通行酌議合無移咨總督都御史楊選將延綏遊擊時達所統

遊兵一千五百名既稱不成行伍查照總督尚書許論原議以後免其徵調其延寧固原各枝照舊調發本部一面咨行陝西督撫等官將該班官軍用心揀選俱用馬軍不用步軍馬匹軍器如果不敷作速奏請聽本部與工部處發兵行之日巡按御史坐委守巡兵備該道查點明白具繇奏知候四十一年以後主兵練成每年遞減一枝以示休息其山西山東保定遼東宣府大同應調之兵不得援以為例。

一陝西等處邊兵既欲漸撤各區擺守之兵恐不足

用查得京司三營自我 皇上更定之後戎政大臣

顧寰王邦瑞悉心整理大有次第相應酌量調發合

無備行戎政大臣選兵四枝專在居庸鎮邊二區防

春正月十五日啟行三月終旬回營再發兵四枝專

在居庸鎮邊二區防秋七月十五日啟行九月終旬

回營每枝三千名止用馬軍三百以備傳報其餘二

千七百俱用步軍其步軍盛甲器械上邊之日暫借

闔營之馬馱送班滿盛甲器械交付該區叅將分守

官收貯以備次班應用免致往返勞費春防用叅將

尹秉衡曹鎮佐擊王國柴愚管領秋防用叅將楊正

方圓佐擊劉臣錢炳管領居常則督軍操練火器及

期則督軍肅隊以行若果臨期無警聽總督官具實

奏請另議進止叅遊官到鎮悉聽總督巡撫節制不

許抗違

以禁軍多驕故也近者剿寇則令內臣別將不屬之督撫矣

一該鎮糧餉雖有總督兼理於上郎中主事分承於

下緣彼此原非專屬甲可乙否動見牴牾自昔用兵

固未有食不足而兵足之理臣等悉心圖維必須該

部大臣專一督餉則職掌既明施為自易合無移咨

楊襄毅奏疏 薊鎮邊備



戶部於本部左右侍郎內奏差一員量兼憲職請命勅諭關防書吏前去薊州佐劄專一管理昌薊二鎮主客二項錢糧并查催各省拖欠民運各區錢糧但有不足兵備副使即便呈省督餉衙門處發一年滿日另差侍郎前去二三年間事體停妥總督官照舊兼理侍郎不必再差見今年已豐稔正當收買之時若果戶部帑銀不敷工部借銀十三萬兩戶部發銀十萬兩交與侍郎帶去或補主兵之糧或給客兵之糧或召買新鮮米豆安置倉廩以備支用務要區處得宜不致浪費兵備將領軍衛有司等官悉聽節制公勤者從實舉薦怠弛者從重叅奏一切侵漁奸弊悉聽侍郎區處庶幾士嗜馬騰以之練兵則兵可強以之禦虜則虜自戢提綱挈領此其首務

一火器中國長技在各邊用之於戰其利什一在薊鎮用之於守其利什九仰蒙 皇上洞悉邊計頃者勅下臣博速將宣大薊鎮多發火器臣等奉行惟謹俱已陸續督發但先年所發之數似亦不少該鎮漫無章程有用之物不用之於城守而用之於操演殊可笑也置之無用殊為可惜相應立法稽

考。合無移咨總督都御史楊選巡撫都御史徐紳將各區先發今發火器火藥通行查出備造循環文簿二本。每季終差送工部倒換。如果見在火器火藥尚不足用。即便會同具奏。聽候再處。其本處歲造火器火藥。亦要一體查明。附入簿內。

一各區主兵。近來分布不一。或今歲在此區。明歲又在彼區。防春又在此區。防秋又在彼區。以致軍士地方險易。不能熟知。東奔西馳。殊無固志。至於寧山等衛班軍。輪戍薊鎮。卽同主兵。相應一體整理。合無移

咨總督都御史楊選。卽將各區主兵。公同鎮巡兵備等官。分派停當。一函具數咨部。一函出給簡易告示。諭衆知之。以後不許輕易調動。其應援客兵。聽其臨時斟酌。不在此限。本部一函咨行各該巡撫都御史。各將寧山等衛班軍。遇有逃故者。先於別項軍內選補。務足原額。每軍啟行之日。各先處給月糧三箇月。具繇奏知。如仍前玩愒。聽薊鎮總督官。從實叅究。一兵家之法。先則制人。後則爲人所制。薊鎮雖稱專一。擺守墻垣。賊果臨墻。患已剝膚。終非萬全之計。出

奇以制之。多方以誤之。封疆之臣。自當加意整飭。合無移咨總督都御史楊選。卽將邊牆之外。逐一踏勘。要見何處可以火攻。何處可以水攻。何處平夷。應該剷削。何處險隘。應該堵塞。近則十數里。遠則一二十里。五六十里。要在因地制宜。以爲牆之藩籬。至於應哨人役。果能哨探明的。卽照近日題准事例。實陞職級。仍重加犒賞。犒賞之費。於撫夷銀內動支。銀如不敷。再行奏請。至於州縣村落。多無城堡。亦當一體修繕。臣博往年巡撫甘肅。嘗創爲墩院之法。其費甚簡。其益頗多。容臣畫成圖式。咨送楊選。以次整頓。但成一處。卽有一處之益。不必欲速。務求遠利。

一山海一片石等處。相去薊州數百餘里。軍士本色月糧。俱於薊州倉關支。甚爲不便。雖有委官總領。無力轉運。只得就彼減價糶賣。兼之委官任意侵漁。及至到營。每軍僅得銀一錢二錢而已。臣博總督之時。已嘗題准。令其本折隨宜兼支。頗聞管糧郎中泥於

舊例。至今未見遵行。臣等以爲政貴宜民。法當通變。閱塞米小。恐全折不知可於永平另立一倉否。軍欲折色。我卽以折色給之。却將遺下本色查給附

近倉口軍士遠者近者均爲有益何憚而不爲合無移咨督餉侍郎到鎮之日加意一處仍備細回奏一朶顏三衛屬夷撫賞之舉雖不可廢各該將領向因無處措辦未免剝及貧軍蠹壞操練此爲第一弊政况彼夷乍臣乍叛全不足恃必須恩威並行使其既知所感又知所畏方能經久合無備咨總督都御史楊選今後夷人安心向化者該入貢則聽其入貢該撫賞則優爲撫賞如敢入邊剽竊或在邊外撲殺應哨人役卽便着落夷中頭目將賊人賊贓盡數獻出以正法典如果負固不服相機發兵設法剿捕不得駕言誘殺撲殺以致肆無忌憚合用撫賞銀兩每年戶部出銀一萬兩本部出銀五千兩共銀一萬五千兩與同本處香錢等項相兼湊支將領如再科軍一錢輕則降級重則調發口北極邊衛分以示懲戒以後一切工役不必累軍銷其銳氣

一廢棄將領欲其使功不如使過卽如近日原任總兵官姜應熊與同遊擊胡鎮岔道一戰大挫賊鋒是其明驗必須多方搜取置之軍門方收群力群策之

效。合無移咨總督都御史楊選速將各邊廢棄將官徑自選取。有智識者則用之。練兵。有勇略者則用之。禦虜。隨才器使。各盡其長。有功之日。指名具奏。以憑擢用。其見在軍門怯懦不才者。卽日分別革退。以除振武主兵之害。

議發京兵輪戍薊鎮疏

京兵戍薊

京營之兵。頻年坐食。漸成驕惰。近議揀選四枝。戍守居庸鎮邊二區。其說有四。其一則京兵習見烽燧。慣經勞苦。可以轉弱爲強。其二則居庸鎮邊原有懷保

在外。警報絕少。卽使有警。去京不及百里。朝發而夕可。至比之遠。調宣大保定之兵。勞費懸絕。其三則春防之月。該鎮止留邊兵二枝。一有聲息。居庸鎮邊未免分置邊兵。兵力弱。顧理不周。若得京兵戍守二區。邊兵自當專管古北冷口緊要去處。在此則爲虛聲。在彼則得實用。其四則臣等原題若果臨期無警。聽總督官具實奏請。另議進止。卽如來春果無警急。京兵自難輕發。所省錢糧。更爲不貲。所據戎政大臣顧寰等具題前來。相應通行計處。合候命下。備行戎

政衙門查照本部原議將叅將尹秉衡等所領防春  
 官軍四枝整搦停當勅書旗牌砲火等項本部預行  
 該部請給稍待來春居庸鎮邊果有警報容臣等再  
 行斟酌或量發二枝或全發四枝具錄奏知如果無  
 警通不必發務中機宜仰體我 皇上節財省費至  
 意一面移咨總督侍郎楊選必須宣府實有聲息方  
 許請兵不宜無事張皇自悞邊計。

議發馬價銀兩買給宣大薊鎮軍民牛種疏  
三鎮牛種  
 臣等仰惟 皇上誠感上天惠流下土茲者履端伊  
遠計莫善於屯而自古道之予嘗問邊

鎮諸公類云邊地瘠瘠萬無可屯之理不知何故也然  
 始雪澤屢降真為盈尺之祥行見千箱之慶但宣府

近者宣大督臣秦中撫臣皆設屯政又何說耶  
 大同薊鎮三處逼鄰虜境十室九空即目春融正當

佈種之時而或有牛無種或有種無牛遷延過時自  
 絕秋成之望臣博向在右衛固嘗目擊其苦若使因  
 天之時順地之利稍為處給計種一石可得子粒數  
 石富民以裕國足食以強兵比之歲荒召買之費月  
 糧折支之難曷啻倍徙戶部帑銀見稱缺乏本部馬  
 價數雖不多尚可措置係干邊計不敢自分彼此相  
 應通行議擬合候命下劄行太僕寺於馬價銀內動

支三萬兩。宣府大同薊鎮各發一萬兩。差官分解。巡撫都御史趙孔昭陳其學徐紳處責委各該守巡兵備等官收買各樣種子。沿邊軍民中審其十分貧乏者。分等查給。合用牛隻官爲勸借。令其趁時佈種。秋成之日。抵斗還官。另立小倉收貯。專備來年給種支用。巡撫衙門仍置循環文部二扇。年終赴部倒換查考。

議處朶顏三衛夷種疏

區處三衛

臣等竊聞堯舜之時。分北三苗。庶績咸熙。蓋言三苗之中。善惡不一。其善者卽留之。其不善者則去之。以故勸懲旣明。恩威自著。兩階干羽之舞。光映簡冊。凡以處置得宜。故爾卽今聖神在上。遠追堯舜。而三衛夷人。近在郊圻之外。比之苗民。尤爲不同。但中間固有背華而勾虜作逆者。亦有效順而傳報虜情者。若使一槩勦滅。殊非天地包函之義。况此輩獸心狼子。全視我之強弱。以爲順逆。若使我將果擇。我兵果練。東西二虜。可以鞭撻。惟此小夷。自當震讐弗遑。譬之元氣旣壯。邪沴必消。臣博以爲我。皇上今日擇將

練兵之計。聖謀神筭。乃其第一義也。卽今總督都御史劉燾。總兵官胡鎮。巡撫都御史溫景葵。俱當開府蒞任之初。正屬夷情觀望之會。合無通行各官。仍照臣等原議。將三衛都督等官。明白宣諭。卽將勾虜作逆者。訪究的確姓名。責令本管都督。綁縛獻出。都督重加陞賞。夷犯置諸重典。以示懲戒。如或都督自行勾虜。或將手下作逆之人。不行獻出。革去官職。絕其通貢。如果情罪深重。仍要據實奏請。以憑勦處。至於向化之夷。又當多方撫字。每遇叩關入貢。則豐其廩餼。厚其賞賚。使之退無後言。或遇走報虜情。則待之以誠。犒之以禮。使之樂於效命。中間果能將西虜辛愛把都兒。東虜土蠻。設法擒拏。函首來獻者。優以萬金之賞。庶幾善者旣知所勸。惡者自無所容。不惟足以服彼夷之心。亦自可以消彼夷之黨。度勢審時。似得分北三苗之義。臣之愚見如此。

會議京營戎政核實十事疏

戎政核實

臣等會同總督京營戎政太子太保鎮遠侯顧寰。巡視京營吏科左給事中辛自修。河南道監察御史劉



存義議得京營之兵專爲京師而設。祖宗居重馭輕，強幹弱枝，意甚深遠。邊關之事責之邊兵，所以張京兵之羽翼。京師之事責之營兵，所以壯邊兵之根本。氣脉相通，聲勢相倚，卽如去冬變生倉卒，請調紛紛，以致戎政二臣莫知適從，欲聽其徵調，則腹心爲重，調去一枝，京城便少一枝之用。欲阻其徵調，則口語橫生，一人倡之，百人從而和之。卽今正值防秋，臣等以爲先當定其規模，中外之臣始便遵守。除通州昌平原係京師肩背肘腋，遇有警急，酌量分發策應。已於後開欵內備陳外，其餘密雲順義三河良涿等處，雖有警急，上聽總督軍門徑發邊兵策應，不得仍前輕討京兵，致誤大計。及照事不在於文具，政當廣集衆思，所據營中一應事宜，臣等遵奉明旨，始而通行副叅佐擊官，各另開報，繼而會同巡視科道官同加叅酌，連日悉心計處，總得十事，不敢不從實奏對。伏望 皇上俯賜采覽，勅下遵行。

一核操練之實，會議得治兵之法。有合操，有分練，合操而不分練，無以熟其技藝之能。分練而不合操，無

以盡其營陣之變。二者並行。方克有濟。卽今下操之

見京兵十二萬合操絕無技藝陣法之奇但多費火

法。列行而立。舉砲而行。主將入營。諸軍環立。中軍者

審耳事之上。下相蒙類如是也。

進曰稟事件。主案者進曰行文書。常套旣畢。方始開

操。曠日廢時。以致將疲士怠。未執弓矢。未持火器。而

精力已先竭矣。僅舉合操。惟日不足。又何暇日及於

分練哉。合無以後合操之日不必分練。分練之日不

必合操。每月以初一初八十五二十三十四日爲期。戎

政二臣五鼓入營。總閱一次。軍士先期至教塲。列隊

而坐。相去五尺。一砲起。二砲列營。三砲開操。照依舊

規操畢。方演技藝。不拘火器弓矢。俱懸銀牌爲的。中

者。卽以銀牌賞之。不中者酌量懲治。科道不時巡視。

聽從其便。其餘二十六日。戎政二臣至營。中軍止舉

砲三聲。砲畢。官軍分入各營。聽本管將官自行操練

大率弓矢火器。亦俱以銀牌爲的。中者給之。將官下

若干人射打。中軍千總把總管隊下若干人射打。預

先分定。各另演放。務盡以一教十。以十教百。以百教

千之義。戎政臣與巡視科道不必同在一處。隨意各

入一營。親爲較閱。除中者亦賞銀牌外。不中者酌量

懲治。管教官旗。各以所教之人中的多寡。分別明白。動支子粒銀兩。買辦花紅聽戎政科道官會定賞格。當面賞勞。少俟各營操畢。中軍再舉砲三聲。軍士以次出營。戎政二臣。然後料理文書。軍士乘朝銳之氣。免久立之勞。得早散之便。一舉三得。人心自然踴躍。一核戰守之實。會議得京邊之兵雖一。戰守之用各殊。蓋邊兵主於戰而守在其中。京兵主於守而戰在其中。邊兵戰於外。則奮其敵愾而手足之義明。京兵守於內。則嚴其彈壓而腹心之體正。近日議者多欲

遠調京兵與虜角。不知倉卒之際。尙當廣集邊兵以衛京師。豈有反調京兵外出之理。合無今後有警。除南有重城。事勢稍緩。不必設營外。東自東便門起。迤

邐而西。至西便門止。卽以車營十枝。酌量分布。大率

東北一二面爲急。用車營八枝。西面稍緩。用車營二枝

每枝實營盤一處。虛營盤二處。略如布棋之勢。去城

雖遠。不過一里二里。其戰兵六枝。將副將四員。城東

城北城西城南。各屯一枝。聯絡劄營。不必太遠。緊在

關廂之外。聽臣等相度賊勢。專備城內城外調度。應

國家圖書館, NATIONAL CENTRAL LIBRARY, TAIWAN, R.O.C.

京師演武

於方澤牆內大可恨也

將臺而城上不敢用砲擊之至京兵之外屯者則伏

場在安定門外亦以重防東北面也丙子之役奴屯

援餘下叅佐二枝俱隨臣等戎政二臣同駐適中去處一應軍中事宜臣等得以面相計議外壯車營聲勢內助都城防守庶為兩便萬一通州昌平請討兵馬卽將叅佐二枝分發策應若非十分警急不必輕發徒為勞費

一核將領之實會議得卽今京營諸將或取其夕邊務或取其屢有戰功可謂極一時之選矣顧乃逐隊隨行全無表見豈邊關為易而京營獨難哉臣等以為不能協和故也每議一事面相從矣復退而相

軍馬之事每如此

督每練一兵詞相詡矣復陰以求勝操練無效則曰主帥之令不敢少違及使盡言又逡巡而掩口攻刺無術則曰祖宗之制不敢少變及使議法止跼蹐而俯躬矜已之廉以驕人發人之私以揚已夫不和於眾不可以師上負聖恩中違將令下失軍心則將焉用彼哉合無以後容臣等戎政二臣將各官痛加戒飭務期視國若家視軍如子視賊如仇上下同心內外戮力以慰宵旰之懷如敢仍蹈前弊及搖惑軍心阻撓軍機者容臣等科道官從重叅治以為人臣

不忠之戒。至於一切營務。統領于上。總其大綱者。臣等戎政二臣之事。分理於下。條其小紀者。諸將之事。舊規一決一罰。一鞭一撻。皆臣等任之。諸將拱手受成而已。甚非所以重將權。明政體也。今後合營之事。○不○特○得○體○且○易○行○法○臣等戎政二臣主之。各營之事。各將主之。若身之使臂。臂之使指。有兼督之簡易。無掣肘之嫌疑。方為長便。

一核軍士之實。會議得莫難於練兵。尤難於選軍。固有選時強壯而練時衰疲者。亦有選時精銳而練時疾病者。故選軍以備練軍之用。練軍以寓選軍之法。二者不可偏廢也。今選軍已半年矣。能無衰疲疾病者。廁于其中乎。合無容臣等戎政二臣。於每操練之時。嚴行各營將官。詳加閱視。但有衰病軍士。即行摘出。換作城守備兵。營中挑選精強者。不必類行。隨缺有老弱矣隨補。是無日不練。無日不選行之既久。人人皆可練。人人皆可選矣。

一核論議之實。會議得三軍之心。至難齊一。論議不宜太多。法令不宜太煩。即如近日營政。或軍分三等。

而朝政夕更。或將列各營而東移西調。譬之醫家。處方既定。不俟奏效。輒為易方。奕者布勢。方成不待終局。輒為變勢。施於一人。尚難行之。而况億萬之眾哉。合無以後京營一切號令未定之前。不害于同。不嫌于異。既定之後。姑令遵守。以考成功。若今日日當因。明日日當革。一人曰當守。一人曰當戰。橫議紛紜。揆之政體。甚為錯謬。况謀事貴廣。處事貴決。持不斷之意。集盈庭之言。何時議論方已哉。此於軍務。極為喫

緊

一核火器之實。會議得京營原選戰兵六枝。兵車十

近日本京營操演自寅至巳砲聲不絕日費火藥

枝。全賴火器以為長枝。製造不成。則器不成用。每致

千金益演放火藥一則辨其器之良窳一則爛其枝

反傷。給發不速。則器不相習。必致悞事。巡守官軍尚

之精熟今演試數次則工既辨矣既無鉛子憑空發

可陸續處給。惟戰車兵一十六枝。時不可緩。每兵車

火則於準的無據矣徒日費千金何益特以地聯官

一營約用連珠砲三百二十位。夾靶鎗一千桿。每出

苑聲達禁中凡技擊馳驟皆不可見惟此砲聲可顯

戰。一營約用連珠砲一百位。夾靶鎗一千二百桿。總

忠勤此人臣欺上之最。大者無人發之。何哉

該二萬一千六百位桿。鉛子隨火器倍給。合無聽臣

等備行工部春秋兩防。查照前數。盡行領出。責令軍

士常川演放。遇晚收於德勝安定二門新設庫內。試

驗堅好者留營備用。損壞不堪者送回該局。即便改造以革異日混給之弊。畢日通行交還該局。

一核兵車之實。會議得兵車之設較之馬兵十分省便。但運用驅馳不無損壞。若毀輪敗轆。腐繩朽索。與無車同耳。合無每年春秋二防。容臣等戎政二臣備查各車營輪轆有無堅緻。繩索有無牢固。如有不堪及缺少者。備行工部不時修理。方得實用。

一核城守之實。會議得都城正陽崇文宣武三門外有重城。每門止用軍二百名。共六百名。各委號頭一

員統率把總管領。其餘六門并重城七門每門官軍五百名。共三千五百名。與同各該守門官軍相兼守把。都城敵臺一百二座。每座軍十名。共軍一千二十名。堞口六千四百處。每口軍一名。共軍六千四百名。重城敵臺五十七座。每座軍五名。共軍二百八十五名。堞口八千九百九十二處。每口軍一名。共軍八千九百九十二名。臨期如有事故。聽臣等戎政二臣。卽於班軍內照缺撥補。每門將官一員。督率千把總官管領。晝夜巡警。悉聽欽命大臣調度。本營一面預造

花名文冊。不僉日月。逃故者明註其下。以革臨時混淆之弊。

一核彈壓之實。會議得都城內鼓樓東西二處。四牌樓二處。東安門西安門大街二處。左右長安門大街二處。東西江米巷口二處。共十處。每處軍五百名。共軍五千名。各委中軍千把總官管領聽候調用。東西仍各總委將官一員。往來提調。重城內豬市口東西二處。每處軍五百名。左安門東便門適中處軍五百名。右安門西便門適中處軍五百名。永定門內東西兩處。每處軍五百名。共三千名。各委中軍千把總管領擺列。仍總委將官一員往來提調。二項遊兵。俱於三等城守軍人內選用。如或不足。卽於班軍內挑選強壯者相兼守城。替出三等軍人。都克前項之數。一以潛消奸宄。一以聽候策應。

一核哨探之實。會議得京營事體。雖與邊鎮不同。春秋兩防。虜情急緩。均當預聞。若止憑邊鎮傳報。則是員。然。食。根。甚。輕。其。人。多。市。棍。投。託。衙。門。者。故。全。不。得。其。用。也。全寄耳目於人。萬一爲其所誑。悞事不淺。近例各邊夜不收哨探。明實防禦有賴者。陞實授一級。陷殺者



陞署一級。被傷者量賞。委爲鼓動人心之要。合無每當春二三月。秋八九月。容臣等戎政二臣於各官家丁內。慎選道路熟知。年力精壯者。齎執火牌。前去薊鎮宣大沿邊。分投哨探。果能哨探明實。或被殺被傷。照依邊鎮一體陞級加賞。以示激勸。

賁成宣大山遼四鎮邊臣修築墩堡疏

四鎮修堡

照得京師地方。以薊鎮昌平遼東爲左輔。以宣府大同山西爲右輔。制馭夷虜之方。薊鎮昌平自爲一局。主於修牆設險。而戰寓於其中。見今總督劉燾公同

鎮巡等官加意舉行。無容別議。宣府大同山西遼東同爲一局。修牆設險。僅可阻遏零騎。虜若拆牆突入。地敞兵寡。勢難自禦。在沿邊則當整飭烽墩。以明耳目。在近邊則當修築墩堡。以便收保。所謂堅壁清野。必須壁旣稱堅。然後野可望清。近日山西兩次之警。可以爲鑒。卽今春和土融。呈乞通行四鎮一體查處。以消虜患等因。案呈到部。看得宣大山遼四鎮墩堡。或原設而年久傾頽。或新設而被虜攻毀。或散居原未設堡。或仰衛聊爲小寨。或藏之窩洞。或伏之窰窖。

官府全不經心。小民多屬無力。橫被搶殺。甘心坐視。

臣博昔巡撫甘肅。創為墩院之制。中為一墩。四面築

今中原村落築堡亦宜倣此

一小城。極寬不過十丈。費少易成。地狹易守。虜嘗擁

眾數萬。突入涼州。一無所掠。卓有明驗。所據該司具

呈前因。甚於地方有益。相應依擬題請。合候命下。移

咨總督宣大尚書江東。巡撫山西侍郎萬恭。宣府都

御史李秋。大同都御史張邦彥。遼東都御史劉應節。

各將沿邊火墩。并近邊軍民墩堡。分委守巡兵備司

道。并文武官員。速行估勘。原有損壞者。因而修理。原

未設立者。從而添築。如堡大人少。則止據堡之一二

角墩。軍民有力。則令其自築。軍民十分無力。即將合

用銀兩。逐一估計明白。具奏前來。以憑處發。大抵此

舉。全是巡撫之責。果能處置得宜。在官使無虛費。在

民使免騷擾。在虜使無侵軼。方稱 聖皇委任責成

至意。文書到日。通限半月。以裏每衛每所。每州每縣

各另畫一水墨小圖。并委過官員職名。巡撫衙門徑

自咨部查考。一面移咨都察院轉行各該巡按御史

候工完之日。親詣查勘。如果足堪保障。即將總督鎮

巡等官具奏獎賞。若以虛文塞責。全無成效。一體指名叅奏。

覆宣大總督江東酌議板升歸正

板升  
歸正

看得大同總督鎮巡官江東姜應熊張邦彥等題稱

嘉靖四十五年事也

板升李自馨等欲要率眾投降一節。臣等逐一叅詳。守巡兵道熟計虜情。謂降亦擾。不降亦擾。擾亦防。不擾亦防。此數言者。誠為確論。總督鎮巡逆料人言。謂或歸咎於拒降所致。或藉口於招降為媒。或責備於區處無方。此二三說者。具見苦心。大抵虜人求入我邊

謂之投降。漢人復入我邊。謂之歸正。乃今李自馨等既以歸正而來。聖皇在上。天覆地載。元元赤子。何

忍拒之。但其中情偽尚不可知。此外機宜。均難懸斷。合候命下。移咨尚書江東。嚴督總兵官姜應熊。巡撫都御史張邦彥。切不宜差人先入虜營。以啓釁端。止將李自馨善加安置。靜以待之。李自馨等如果幸眾來歸。即便細加譯審。必須的係漢人。方許入邊。應該如何安插。應該如何陞賞。應該如何防範。便宜處置者。徑自處置。請旨處置者。星馳會奏。至於真虜雖幼